

rubigines, pravarum voluptatum retia, alios
deniq; Artis Poëticae hostes immanes fortiter
pulsavit atq; subegit, subactis, perfectam,
omnibúsq; numeris absolutam Poëtices sci-
entiam comparavit, eo ipso die, quo devictos
casosq; hostes omnibus per triumphum publicè
conspiciendos exhiberet, Laurea Corona, tã-
quàm certissimo felicitis Victoria nuncio, orna-
retur atq; condecoraretur.

Sunt deinde Lauri folia amara, eiúsq; Bac-
ca aspera: unde perquàm pulchrè non Poëtæ
solum coronato multa eaque varie molestia,
quas in poëseos studio addiscendo devorare
coactus fuit, ob oculos ponuntur, summáq; cū
animi voluptate ad memoriam revocantur:
Verum omnibus etiam alijs, Musarum in ca-
stris stipendia qui faciunt, per nitidum quasi
speculum ostenditur, Sive ob Virtutis studium:
Sive propter artium ac scientiarum cognitio-
nem: Sive ob alia, quæ Viri Illustres & Generosi
magnificere solent, in amore ac delitijs ha-
beri, ferri in oculis, premijs affici amplissimis,
honoribus condecorari splendidis desiderent:
Adhæc omnia sine labore magno, sudore mul-
to, cultúq; indefesso pervenire nunquam pos-
se, juxtà illud Vulgatum, Difficilia, quæ Pul-
chra: Et illud quoq; quod de suo nobis Poëta
largitur.